

# COSMOGLOTTA

Official mensual organ del OCCIDENTAL-UNION

Redaction e Administration : INSTITUTE OCCIDENTAL, CHAPELLE (Vd), Svissi



COMITÉ  
DE  
REDACTION :

Prof. E. de WAHL  
(Estonia)

Dr Bertil BLOMÉ  
(Svedia)

Prof. J. PODOBSKY  
(Tchecosl.)

Dr H. NIDECKER  
(Syissia)

Nr. 118  
Serie A  
NOVEMBRE  
1937





Desde pluri seculs mult homes provat crear un auxiliari lingue facil e neutral. Li unes basat it principalmen sur li **naturalità** e negliget li **regularità** (exemples : *Mundolingue* de Lott, *Latino sine flexione* de Peano, etc.). Li altres basat it principalmen sur li **regularità** (exemples : *Esperanto*, *Ido*), e pro to ne hesitat mutilar li international paroles.

Ma, por esser adoptet de omni popules e de omni classes del population, un international lingue deve esser ne solmen regulari, **ma anc presentar un aspect natural** in su radicas e in su derivates. It deve esser fundat sur li **principie del maximum de internationalità** e retrovar li international paroles per su propri regules de derivation.

Li solution de ti problema ha esset tro desfacil pour omni autores de international lingues. Solmen pos 30 annus de provas e experienties, li baltic erudit Edgar de Wahl **successat combinar li naturalità e li regularità**, e formular un systema permissent formar per quelc regules li international derivates.

Occidental ne es un nov lingue, nam it es composit ex li international paroles ja conosset sur li tot terra. Pro to Occidental es **li max facil lingue por li majorité del popules**.

Occidental es diffuset per li **OCCIDENTAL-UNION** quel es neutral in religion e in politica, e per li national societés de propaganda. Li Occidental-Union es directet de un **SENAT**, e del **CENTRAL OFFICIE** durant que li **ACADEMIE** decide pri li linguistic formes.

Li **Institute Occidental** in **Chapelle (Vaud), SVISSIA**, responde immediatmen e gratuitmen a omni demandes de information concernent Occidental, su scope, su grammatica e su vocabularium, e corresponde in francés, german, anglés, italian, hispan, Esperanto, Ido, Occidental.



Pro quo li nomine de  
 "Occidental"?

### CURT GRAMMATICA DE OCCIDENTAL

**Infinitives** : Finale -r. Ex. : *fini-r, ama-r, deve-r*.

**Adjectives** : Finale inobligatori -i. Ex. : *micri*.

**Adverbies** : Finale -men. Ex. : *visibil-men, regulari-men*.

**Present del verbes** : li radica sol. Ex. : *tu fini, tu ama, tu deve*.

**Passato** : Finale -t. Ex. : *tu fini-t, il ama-t, noi deve-t*.

**Passate composit** : per auxiliare ha-r. Ex. : *tu ha finit, noi ha videt*.

**Future** : auxiliare va. Ex. : *Tu va finir, il va amar, etc.*

**Conditionale** : auxiliare vell. Ex. : *tu vell finir, yo vell prender*.

**Imperative** : ples, o li radica sol. Ex. : *Ples finir ! Fini !*

**Participie present** : -nt. **Participie passat** : -t. **Gerundive** : -nte.

**Masculin** : -o. **Feminin** : -a. **Plurale** : -(e)s.

Un sol articul definit : li. Adjectives invariabil.

**Pronomines personal** : Yo, tu, il, illa, it ; plurale : Noi, va, ili.

**Attention ! Por li abbonates de Coemoglotta :**



**Contene :** *Li lingue international, un artistic problema. — Prof. Madhrepore solue li problema del L. I. — Li latin proverbies et lor traduction in occ. — Scrir in li tren de ferrovia. — Vocabularium del viagies. — Acompaniator de viagie. — Cronica. — Thomas Masaryk.*

## LI LINGUE INTERNATIONAL - UN ARTISTIC PROBLEMA

On ha plurivez insistet pri que li creation de un L. I. es un **tecnic** problema. To es fals ! It es un **artistic** problema. Un lingue ne es un instrument, ni un machine, ma psykologic function, do efectentie de un organisme, e benque it self ne es un organisme, tamen in su form it es modelat paralel al singul psykic organism. Alqui ha dit : Chascun lingue quel noi mastriza, da nos un nov anim. To es certmen ver. Li lingue es li image del anim, e li anim forma li organism, ne invers.

Li vive ne ha nascet del anorganic mort materie. Anorganic materie es de-jettalya del vive. Vive e organisme es solmen du divers aspectes de un sam cose.

De ta venit li idé que li lingue es un organisme. Advere to ne es, ma it efecte talmen quam si it vell esser.

E samli quam inter corpor e anim existe un constant action reciproc, sam anc inter li lingue e li genie del popul.

Un popul quel accepte un foren lingue, muta it secun su psyke. Ma anc li psyke del popul es mutat, influentiat per li foren lingue. In li témpor primitiv ne existet ni germanes, ni franceses, existet solmen divers tribes germanic, gallic, anc in li medievie. Por li germanes li traduction del bible per Luther esset li creation del germanic nation ex li singul tribes. Hodie prepara se li via a un europanéité. Li emanation de ti comun europanéité es li europan lingue.

It es format per li europan psyke, e it forma li psyke europan.

In li arte, formation es nominat styl. Pro to fotografie ne es arte. Styl es to quo es characteristic por un témpor e por un popul, li norm ! Ma styl creat ne del tecnico, ma del artist. Styl es un artistic. It include e limita li infinit varietà del natura in cert regules, formes, queles coresponde al psykic sentiment conform al spiritu del epoca.

Per to naturalmen ne es dit que li tecnica ne have un important



*E. de Wahl, aspirant de marine  
in li epoca de Volapük.*

signification che li creation del styl. Pontes de ferre o petre have un altri styl quam pontes pendent fat de lianes. Talmen li styl de un hodial european comun lingue necessimen deve esser un altri quam in antiqui Roma o in li medievie. To on posse sentir anc in li lingues artificial. **Zamenhof** havet instincte por styl; **Couturat, Rosenberger** esset solmen tecnicos. Pro to li relativ success de Esperanto ! e li mis-success de Ido, Neutral, etc., proque lor autores ne esset artistes.

Naturalmen un ver artist besona un precis conossentie del tecnica quel apartene a su ovre, e li scientific bases por it. Ma li creation self ne es un problema del tecnica, ma un ovre de arte. Pro to it ne posse esser corectet. Li necessari progress es inaugurat per un nov ovre de arte in un nov styl.

Noi have solmen 3 tal lingues con propri autonom coherent styl intern; ili es **Volapük, Esperanto, Occidental**. Malgré li total differentie de ti tri lingues noi posse remarcar que ili apartene al sam categorie de lingues, tam in li metode del parol-formation per suffixes, prefixes e desinenties, quam per li maniere del expression, quel in omni 3 es european, e in li curs del témpor ha'etablisset un cert tradition, progressente poc a poc del statu de pur aglutination, per Mackensenic paroles, a un comensa de flexion.

Lingues isolativ del typ chinés-anglés con inchangeabil paroles sin distinction del grammatical caractere (substantiv, adjectiv, verb, adverbie) til nu es representat per **Latino sine flexione, Etem e Uniti Langue**, li unesim un torso, li duesim un skiss, li triesim un inharmonic mosaica de pruntat materiale. Omni tri sin fortie creativ. Quam parasites ili vive del capitale del altres, e quam omni parasites ili es incapabil por vive autonom.

Inter ti tri divers types (aglutination, flexion, isolation) sta Occidental. Su derivation es quasi totalmen **aglutinativ**, li sol flexiv formes es li casu indicat in li regul del perfect con **d** e **r**, e in li grec scientific paroles (1) ye **-ma**, queles intercala **-t-** in derivation, e (2) li substantives in **-s(e)**, queles deriva adjectives in **-tic**, e quelc **international** paroles Mackensenic stant extra li derivation. Li grammatical parte es quasi totalmen **analytic** tam in declination quam in conjugation, con li sol micri diversion pri li casu objectiv che li personal pronomines.

Talmen it representa un juntion del tri types in li max economic e practic maniere, evitante un steril e rigid unilateralità del du extrem types: aglutination e isolation, e juntente les per un curt elastic vivent charnire: li flexion.

Per ti combination Occidental atinye ti atraent charm de naturalità (flexion) apu un maximum de regularità (aglutination-), (syntetism) e simplicità (isolation, analystim).

*Edgar de Wahl.*



## Ex li paper-corb : Angul humoristic

(Li redaction de Cosm. ne es responsabil pri ti angul)

### Professor Madhrepore sclue li problema del Lingue International

Recentmen noi promeset a nor letores un articul pri li nov lingue del mundi-famosi professor. Noi deve decepter les. Li professor ha decidet abandonar li idé publicar un propri systema. Il vole soluer neutralmen li problema del lingue international.

Sin dūbit li afere es in max bon manus : Professor Sysiphos Q. Madhrepore ha esset ganyat por li idé del L. I. solmen in li annu passat. Antey il ne interessat se pri it, e ancor hodie il ne crede in it. Il do ancor ne have un opinion definit, to garantia su neutralità. E su grandissim competentie in bibliomanic questiones predestina le quasi quam suprem arbitro de interlinguistica, pro li grand afinità del du materies. Ma li professor have un generosi anima : « Yo ha renunciat a far un propri systema — to ja es un pruve de grand objectività e neutralità. In plu yo ne va admitter in mi société null critica contra unaltru. Solmen abstract questiones va esser permisset. Noi va elaborar un serie de criteries secun queles li diferent systemas de L. I. va esser judicat. Si ili ne es conform a mi criteries, tant plu mal por ili. »

Li criteries ja es in parte etablisset, e anc adoptet con unanimità per li max competent person, professor Madhrepore self. Noi es autorisat mentionar ci quelc criteries, esperante que sr Prorok ne va leer les. Ti senior have un desagreibil maniere destructer omni joya quel on posse sentir pri un scientific, competent, neutral, objectiv labore. Tal criticastros vell dever esser excludet ex li movement de L. I.

Li unesim criteirie de prof. Madhrepore es :

*Crit. 1. Li lingue international ne besona esser international.*

Si li internationalità es indicat in li nòmin, it es evidentmen self-comprendibil, que it ne besona esser anc in li lingue self. To vell esser un pleonasm, un delict contra li principie de « necessità e suficientie ». It es clar, que it es *necessi* expresser li internationalità, ma que it *sufice* far to in li nòmin. It es to quo li professor nòmina per un parol sanscrit : *teleosophie*.

*Crit. 2. Li paroles international deve esser excludet ex li Lingue International.*

Chinésas e Japanésas ne comprende li grand lingues nominat international. Pro to it vell esser un injustificabil privilegiation del west-europan popules, si on vell prender paroles comprendibil inter omni occidental nationes, ma ne inter li orientales. Li neutralità demanda, que sam desfacilità existe por omnes. Do, si on prende un parol international, it deve almén esser tam defigurat, que it presenta un cert desfacilità anc al europanos e americanos, quam consolation por li orientales.

*Crit. 3. Li structura del L. I. posse esser a-priori.*

Ti criteirie es *necessi* pro neutralità, por ne excluder Volapük. In céteri it ne deve esser miscomprendet : A-priori e a-posteriori ne es tam oposit a un altru, quam on vell creer, si on consenti pri un gradu medial, quel on posse nominar modificat apriorism-aposteriorism.

P. ex. li finale -*ön* del infinitive in Volapük es a-posteriori, nam it es suggestet per li german infinitives « *tönen, verschönern* ». Li finale -*ob* del indicative I. person singular, « *löfob* » (yo ama) retrova se in german « *sie fragte mich, ob ich sie liebe* », durant que la participial finale -*öl*, « *löföl* » (amant) es reconossibil in german « *Erdöl, Olivenöl, Maschinenöl* ». In sam maniere li conjugation per prefixes : « *älöfob* » (yo amat), « *elöfob* » (yo ha amat), « *ilöfob* » (yo hat amat), « *olöfob* » (yo va amar), « *ulöfob* » (yo vell amar), es visibilmen suggestet par francés « *j'aimais* » (pronunciat « *āmā* »), per german « *ich habe geliebt* », « *ich hatte geliebt* », « *ich werde morgen lieben* », « *ich würde lieben* ». Do li systematisation del verbal vocales in Volapük es « modificat a-priorism ».

Talmen a-priorism e a-posteriorism admisse mult gradus, e li attribution del terminos a-priori e a-posteriori depende del vis-punctu adoptet. Ti important decovriton de professor Madhrepore revolutiona omnicos quo ha existet til nu.



*Crit. 4. Adaptation del ortografie de international paroles.*

Si ye li adaptation del ortografie de international paroles al alfabeto del L. I. eveni un conflict inter li besones de pronunciation e ortografie, li necessitat de pronunciation deve generalmen prevaler, e si it existe un divergentie del pronunciation, li pronunciation comun al max grand nùmer de lingues o trovat in li max largmen usat lingues, deve prevaler.

Por exemple, si on adopte li principie de invariabilità del correspondentie inter son e symbol, e si li son « sh » quam in anglés « sheep » deve esser symbolisat per li litter « s », e li son « a » quam in « nation » per li litter « e », e si li diferent pronunciations del parol « station » deve esser prendet quam base por li notion « station », e si omni substantive deve finir per -o, tande on va dever prender li pronunciation del lingue max difuset, it es li anglés, e adaptar li ortografie a ti pronunciation, do li resultant form in Lingue International va esser « stesno », e ne « station, stacion, o stazione ».

*Crit. 5. On ne mey serchar erras in ti criteries, tande on ne va trovar les.*

Quant capes, tant opiniones ! (Latin « Quot capital, tot consensus ») e malevolent criticastris sempre va trovar objectiones. Per li proposit criteries li desfacil unità del problema es dividet in mult problemas partial. It vell esser un absolut miscomprehension del parol « syntetism », regardar li criteries in synoptica e serchar contradictiones inter les.

Ti criteries aprobat per li competent linguistic opinion de prof. Madhrepore, posse esser regardat quam un solid base de quel posse proceder li labor por li definitiv solution del problema del lingue international.

*Farfarello.*

**La langue internationale Ido e son application aux sciences pharmacologiques** de Dr Laurent. — Noi regreta ne har conosset antey li important libre publicat ja in 1935. Su autor, Sr. J. Laurent de Marseille, presentat it quam tese por obtener li gradu de Dr in farmacologie. Exter li parte scientific pri quel noi va parlar un altri vez, ti tese consacra mult pagines al historie del lingue international e raconta li origine de Ido, evidentmen sin conosser li ver factes revelat solmen in li ultim numero de Cosm. Sr. Laurent parla anc pri Occ. ma it es evident que *il vide it tra li binocules de Beaufront*. Il parla pri li *anarchie de su derivation pri su anomalies e su illogismes*. Assertiones sin pravas ne auxilia li solution del problema. Noi peti Sr. Laurent benevoler citar nos exemples de « anarchie e de illogismes » in Occ. e si il trova tales **noi ingagea nos citar le un duplic numer de tal exemples in Ido !** Tro sovente on ha condemnat Occ. per assertiones sin pravas. Til hodie un sol Idist ha penat colecter un list de exemples « defectosi » in Occ. por apoyar su demonstration, e ti adversario, quel nominat se A. Matejka, ex chef-redactor de Progreso, es nu in li range del admiratores de Wahl ! In li pagine 97 de su libre, Sr Laurent proposi introducter quelc ameliorationes in Ido. Il suggeste por exemple li adoption del suffixe **-asiono** por indicar li idé de action, mancant in Ido, e il cita quelc derivates obtenet : **expozasiono, produktasioni**, etc. Esque Sr. Laurent save que just tal abstrus formationes causat li fiasco de Idiom Neutral avan li Comité del Delegation in 1907 ? It ne valet li pena repussar ti idioma pro tal derivation si hodie on introduce it in Ido. Noi ne comprende qualmen on vole nu fortiar li homes dir **audasiono, propozasiono, produktasiono, redaktasiono**, etc. quande, ante 15 annus, de Wahl ha trovat li medie formar regularimen **audition, proposition, production, redaction**, etc. Desde long li Idistes ha constatat quant necessari es li introduction del suffixe international **-ion** in lor lingue e ili ne vide que sol li regul de Wahl solue li question.

Ancor in 1934 li president del Ido Academie, Sr. Quarfood, constatat que *Mutaciono esas internacione plu komprenebla kam mutaco*. Tre just ! Ma anc li altri paroles finient per **-aco** deve esser changeat a **-aciono**. E li verb ne possent esser sempre **-acionar**, ma **-ar** (muta-r, muta-t-ion) it resta ancor a trovar li regul por derivar **-aciono** de **-ar**. Infalibilmen on reveni al regul de Wahl ! To noi ha ja demonstrat multissim vezes ; ma on resta surd !

*R. Bg.*

# LI LATIN PROVERBIES' E LOR TRADUCTION IN OCCIDENTAL

## *Latin*

## *Occidental*

Ab absurdo	Per lu absurd
Ab irato	Pro colere
Abusus non tollit usum	Li abus ne impedi li usa
Abyssu abyssum invocat	Li abyss invoca li abyss
Acta est fabula	Li act es ludet
Ad aperturam libri	Con apert libre
Ad gloriam	Por li glorie
Ad patres	Al patres
Ad maiorem dei gloriam	Al plu grand glorie de Deo
Ad unguem	Al ungul
Ad vitam aeternam	Por li eterni vive
Age quod agis	Acte quo tu acte
Alea jacta est	Li lot es jettat
Alter ego	Altri ego
Amicus humani generis	Amic del g�nere homan
Ante mare, undae	Ante li mare esset li undes
Aquila non capit muscas	Li aquil ne capte moscas
Ars longa, vita brevis	Li arte es long, li vive es brevi
Audaces fortuna juvat	Fortuna favorisa audacioses
Audi alteram partem	Audi anc li altri partie
Aurea mediocritas	Aurin mediocrit�
Aures habent et non audient	Ili have oreles e ne audi
Auri sacra fames	Execrabil fame del aure
Ave Imperator, morituri te salutant	Salute, Imperator, lis destinat al morte te saluta
Bella matribus detestata	Li guerre maledit del matres
Caeli enarrant gloriam Dei	Li ciel narra li glorie de
Calumniare audacter, semper aliquid haeret	Calumniar audacimen, sempre alquicos resta
Carpe diem	Usa li hor
Carpent tua poma nepotes	Tui nepotes va colyer tui pomes
Casus belli	Casu de guerre
Cave ne cadas	Atente ne cader
Cedant arma togae	Mey li armes ceder al toga
Circulus vitiosus	Circul viciosi
Cogito ergo sum	Yo pensa ergo yo existe
Concedo	Yo concede
Coram populo	Coram popul
Corpus delicti	Corpor del delicte



Credo quia absurdum  
 Cum grano salis  
 Currente calamo  
 Curriculum vitae  
 De gustibus et coloribus non  
 disputandum  
 Desinit in piscem  
 De te fabula narratur  
 Difficile est satiram non scribere  
 Dignus est intrare  
 Divide et impera  
 Dulce est pro patria mori  
 Dura lex, sed lex  
 Errare humanum est  
 Ex ungue leonem  
 Felix culpa  
 Fiat justitia pereat mundus

Finis coronat opus  
 Flagrante delicto  
 Fluctuat nec mergitur  
 Fugit irreparabile tempus  
 Gutta cavat lapidem  
 Hoc signo vinces  
 Homo homini lupus  
 Horror vacui  
 In cauda venenum  
 In tempore opportuno  
 Inter nos  
 In vino veritas  
 Ira furor brevis est  
 Manu militari  
 Medice, cura te ipsum  
 Memento, homo, quia pulvis es  
 et in pulverem reverteris  
 Mens sana in corpore sano  
 Mors ultima ratio  
 Multi sunt vocati, pauci vero electi  
 Natura non facit saltus  
 Nil novi sub sole  
 O sancta simplicitas  
 Post mortem nihil est

Yo crede pro que it es absurd  
 Con gran de sal  
 Per plum current  
 Li carriera del vive  
 Pri gustes e colores on ne disputa  
  
 Finit in caude de pisc  
 Pri te raconta li fabul  
 Desfacil ne scrit satire  
 Il es digni intrar  
 Divide e impera  
 Dulci es morir por li patria  
 Dur ley, ma ley  
 Errar es homan  
 Del ungu es conosset li leon  
 Felici culp  
 Justicie deve esser, mey perir li  
 munde  
 Li fine corona li ovre  
 In flagrant delicte  
 It fluctua ma ne immerge  
 Li tempor irreparabil fuyi  
 Li gutte cava li lapid  
 Sub ti signe tu va victer  
 Li hom es lupo por li hom  
 Li horrore del vacui  
 In li caude es li venen  
 In oportun tempor  
 Inter nos  
 In vin es verità  
 Li coler es un curt follie  
 Per manu militari  
 Medico, cura te self  
 Memora, hom, que tu es polve e  
 que tu va retornar al polve  
 Mente san in corpor san  
 Li morte es li ultim rason  
 Multes es vocat, poc es electet  
 Li natura ne fa saltas  
 Nequo nov sub li sole  
 O sant simplicità  
 Pos li morte, nihil es



Pro domo sua  
 Quia nominor leo  
 Qui bene amat, bene castigat  
 Qui habet aures audiendi audiat  
 Qui sine peccato est  
 Sapiens nihil affirmat quod non  
     probet  
 Stans pede in uno  
 Summum jus, summa injuria  
 Timeo Danaos et dona ferentes  
 Veni, vidi, vici  
 Verba volant, scripta manent  
 Vox clamantis in deserto  
 Vox populi, vox Dei  
 Vulnerant omnes, ultima necat

Por su dom  
 Pro que yo es nominat leon  
 Qui ama bon, puni bon  
 Qui have oreles por audir, audi  
 Qui es sin pecca  
 Li sapient afirma necos, quo il ne  
     pruva  
 Stant sur un sol ped  
 Maxim jure, maxim injurie  
 Vider quem fider  
 Venit, videt, victet  
 Li paroles vola, li scrites mane  
 Voce clamant in li desert  
 Voce del popul, voce de Deo  
 Omnes vulnera, li ultim morta.

**Li fisic labor del scritor :** Un matematico ha calculat li longore del via secuet del plum quel scri. Li resultates es astonant.

In facte, un scritor tracia circa 30 paroles in un minut, ergo 1800 paroles in un hor. Si il labora ot hores in un die, to fa 14400 paroles. Ad ultra, on ha contat que li strec necessari por scri 30 paroles have circa 5 m. In li fin del die li scritor ha do fat percurrer a su plum 2400 m. In un annu de 300 dies de labor, on obtene 720 km.

### Scri in li tren de ferrovia

Vu possede un bell fontan-plum por posser scri in omni loc e tẽmpore. Ma sident in li tren de ferrovia, quel passa long distanties tra vast e enoyant planages, vu senti li beson scri un lettre o altri cos. Vu scruva li capuce fro vor plum e prende paper. Ho ve ! li scrittura aspecte quam si un mosc vell har cadet in incre e poy fat un promenada sur li paper ! Qualmen scri in un movent tren ? Yo ha experit un medie : on prende alcun suport, p. ex. un caderne con un rigid covritura ; poy on prende li paper con li micri fingre del dextri manu ; simultanmen on tene li suport anc per li levul manu, per quel on tene anc li micri fingre del dextri manu sub li suport. Ambi brasses es tenet libermen horizontal. Li tric es que talmen li chocas del vagon traducte se simultanmen sur ambi brasses, do it nasce null differentie inter li movementes del scient manu e del tenet paper. Benque it es un poc incommod scri talmen, li scrittura es suficent secur e ne tro desfigurat per li chocas del vagon. Poc a poc on es fortiat changear li situation del manu e del paper. Li metode es aplicabil solmen por scri sur un micri pezze de paper, admaxim sur un post-carte ; ma to ya sufice si on have alquo urgent a scri. *Dr. Peipers, Köln.*

## VOCABULARIUM DEL CENTRES DE INTERESSE : VIAGIES

*Por automobile e aviation, ples vider sub ti titules.*

**Via.** — Move-ntie, viagie, viagi-ator, viagi-ero, depart, start, destination, arriva, vi-arium, for-marcha, ab-marcha, detorn, circuit, indirect via, curvi via, mis-via, ye demi-via, curse, curr-ida, zig-zag, re-veni-da, passagie, traject, sejour — pacc-age, bagage, coli, valise, pacca, cofre, -ette, sac — passport, permiss de restantie — caravane, safari.

**Vehiculation.** — Vehicul, coche, carre, carr-ette, carr-ade, landau, caleche, tilbury — timon, furcat timon, rot, radion, felg, nabe, rot-axe, fren, porta, tenette, fenestre, sede, harnes, brid, flagel, attelage — taximetre, remise, hangar, garage, omnibus, tram, tram-via, strad-rel-via, diligence — postilion, coch-ero, carr-ero, carr-ett-ero, carr-ductor, con-ductor — halta, relé.

**Marcha.** — Promenada, excursion — march-ator, ped-on — via, rut, ped-via, vi-ette, pal indicatori, born, carril, rot sulc, slamm-fore, slamm-iera, ravin — baston, bastonazzo, sac, dors-sac — tur, tur-ism, tur-ist, alpin, -ism, -ist, ascension, guid, port-ator, pica.

**Ferrovias.** — Rel-via, rel-rut, rel-age, rel-ament, rel, ferrovi-ari rete, rel-systema, interspacie del rotes, escarte del rotes, traverse, pal, viaduct, tunnel, cable, rel-via funiculare, nivel-passage, agulye, bifurcation, aguly-ero, garda-via, station, intr-ada, surti-da, plat-form, tornant placc, disco, signal, trott-uore, caye, sala de attende, buffet, café-ia, in-registr-ation del bagages, venditoria del billetes — lava-toria, latrine, closet — tren, convoy, express, direct tren, locomotive, ténder, station-chef, chauffero, control-ero, tren-chef — furgon, transport-wagon, wagon, charj-wagon, cupé, partition, compartiment, banca, porta, fenestre, danger-signal, corde de alarm — parachoc, bufre — vi-arium, tren-libre, tren-list, guid de relvias, bagage-depó — cargo, charje, bilet, abonnement, porte, transport-polis, ballot, fret-wagon, merce de ordinari velocitá.

**Verbes :** Ear, vader, veni-r, departer, for-vehicular, viagiar, moer, arrivar, avansar, vehicul-ar, retornar, retro-ear, revenir, sejournar, attelar, des-attelar, frenar, haltar, flagel-ar, bridar, harnesar, startar, rapid-ear, lent-ear, stoppar, in-pacc-ar, in-ball-ar, promenar, ex-ear, quittar, for-ear, curr-er, ex-currer, marchar, ascender, descender, de-rel-ar, currex ex li reles.

---

**Un magnetic balayator.** Li administration del vias de Quebec ha just provat un nov machine balayatori.

Li balayator possede, vice un balay, un electro-magnet. Durant li unesim prova along li strada de Little-River in Quebec, li electro-magnet atraet circa 9 kg. de cloves, scruves e altri metallic fragmentes.

**Micri cause e grand effecte.** — In li fine del annu 1936, li circulation del electric trenes inter Vallorbes e Lausanne, in Svissia, esset interruptet durant pluri hores. Pos mult serchas on finalmen constatat que ti accident esset causat del eclatation de un isolator plazzat contra un ponte proxim li village de Cossonay. On inquestat por saver qui esset li autor de ti ruption, e on finalmen decovrit que li culpabiles esset tri galopones de 9 til 11 annus queles hat pissat passante sur li ponte. Por amuser se, ili hat arrosat li electric files e causat un curt-circuit, quo posset fulminar les. Felicimen ili escapat del danger, ma lor genitores devet pagar un bell factura !



## Acompaniator de viagie

### *Original raconta in Occidental*

Essente in Stockholm, in un mal pecuniari situation, per hasard yo leet in un jurnal li secuent anuncia :

« Serchat confidibil person, catolico, preferli francés, por discret mission in afere familial. Alt honorarie. Responses al redaction sub chiffre... »

« Alt honorarie, catolico, francés... » Ti anuncia esset quasi destinat por me. Yo scrit, e pos tri dies yo ricevet li response sur lettre-paper con coron de comte e signat per un nomin francés, incitant me venir a un solitari castell sur un del grand benes in Svedia medial. Un chec payant li viagie esset juntet. Yo departet.

Li ferrovia fat un ters, forsan li demi del rute quel junte li du extremitàs de Svedia along li bottnic golf. Del cité un ferrovia secundari ductet me durant quelc hores a west, vers li montania, e ye li station final un carre atendet me ; in li fine del via, un demi hor yo devet ascender per pedes li scarp colline sur quel esset situat li castell. It esset bass e larg, e havet li sam caractere quam li bass gris nubes, queles pendet largmen supra li trist paisage, con poc plantes. Vidente to, yo presentit, que mi mission ne vat esser gay.

Li comte, nobil e elegant, ye poc plu quam sixant annus, parlat me in nor lingue matrin. Su historie es racontat per poc paroles :

Su avo hat venit con Bernadotte in Svedia, li familie hat fixat se ta, ma, deveniente sved cives, ili hat conservat lingue e religion con li tenacità del minorité isolat e includet del majorité diferent.

Su filia, un yun flicca de apen duant annus, quem il hat inviat por education a un monaster de nonnas in Sud-Francia, hat morit subitmen ante brevi témpor. Il desirat que li sarc mey esser aportat a Svedia por esser interratt in li capella del castell. Il hat avisat li abatessa del monaster pri to, e vell viagiari self, ma li nova pri li morte del filia amat hat fat malad li comtessa, e il ne audaciat abandonar su sufrent marita. Pro to il hat anunciat pri un conreligionario preferibilmen francés, quel, contra bon payament, mey charjar se del mission ear in Francia por directer li transport del sarc. « Yo ne desira », il dit « que mi povri filia es transportat quam un specie de pacca. Vu va por li eada prender li tren via Germania, ma por li retorn, vu va prender un nave direct de Marseille a Stockholm. Yo desira que li riscos del change de tren mey esser evitat, e anc li possibil molestationes per li doanes. Li doane de Stockholm yo va avisar self... In li monaster vu va dever acter e con tact e con energie », il cludet, « imprevidet desfacilitàs ne es impossibil... »

Yo acceptet li mortic mission e departet. Yo arivat in li loc de mi destination, un litt colorosi cité in Sud-Francia. Yo va acurtar li formal parte de mi mission : yo trovat li monaster, quel fat un impression

desordinat, con portas apert, e con long corridores u nequi esset. Ja ye li intrada yo hat videt tra li porta apertet li sarc in li cellul del portario, sin cuida, sin candeles.

In fine yo incontrat li abatessa. Illa parlat mult, con grand dignità ma anc con un cert confusion. Li fine esset, que yo ne posset reciver li sarc: li yun comtessa hat prendet li sacramentes e hat morit quam nonna, e li ley del monaster prescrit, que chascun nonna devet esser interrat in su jardin, e que in consequentie it esset interdit forprender un sarc.

Li consacration de su filia hat semblat inconosset al comte, o almén il ne hat dit me it. To ne esset mi afere. Yo havet ordre aportar li cadavre de su filia in Svedia.

Yo abandonat li digni dame, semblantmen resignante, ma in verità reflectente pri qualmen executer mi tache. E li revide con li sarc in li cellul del portario dat me li idé :

Yo esset providet con moné suficent por payar six yun mannes del cité, a queles yo explicat li aventura. E con ili, in li nocte secuent, yo furtet li sarc, sin grand desfacilità ex li incuidat monaster. Ili portat li sarc al station. De ta yo viagiat a Marseille, u yo fat metter li sarc lignin in un chest de zinc, e poc dies poy yo inbarcat me con mi mortic bagage.

Ye unesim vez yo fat un viagie naval con un sarc in mi cayute, e yo ne sentit me tre confortabil. Un bel flicca, yes, ma un flicca mort... ? Ma mi honorarie quam « accompaniator in viagie » esset considerabil, e ordres es ordres.

Mi dies passat sin evenimentes remarcabil, ma strangi esset li unesim nocte in li solità de mi cayute de unesim classe con li sarc. It esset un chest de zinc, bell, glatt, perfectmen cludet, quel, exceptet per su form oblong, ne trahit su trist contenete.

Yo ne crede in fantomas. Yo es cert, que yo ne avigilat me durant li nocte, yo es cert que yo dormit profundmen, ma yo somniat, que li porta de mi cayute apertet se, e que intrat un bellissim yun flicca de circa duant annus, pàllid, con grand e trist nigri oculus, e con illa intrat un pàllid luce, quel permisset me vider omnicos clarmen : li litt table fixat al mur, li unic stul e li sarc sur li suol, apen du metres de me. Illa avansat vers me, sin parlar, regardat me intensmen per su trist e magnific oculus, fat me signe levar me e tornat se poy vers li sarc til que in fine yo comprendet que illa invitat me aperter it. Un strangi frisson captet me : illa portat li veste del nonnas...

Yo ne save qualmen illa desaparit, mal li tenebres del dormie sin somnie devorat li fine del vision. Yo ne posse dir, que ti bell fantoma inspirat me horrore. In contrari. Li die secuent, yo presc hat obliviat li vision, sub li sole brilliant e calid del Mediterrané. Ma in nocte illa revenit in mi somnie, quel repetit se, egalmen al nocte passat. In li triesim nocte yo ja expectat la, mem desirat su venida. Yo vell har esset



deceptet, si illa ne vell har venit e con illa ti strangi, dolci frisson pri quel yo devenit consciosi solmen quande illa hat desaparit, chascun vez plu bell e plu trist, pro que yo ne hat satisfat su desir...

Ma esque yo posset aperter un sarc, pro que un figura de somnie demandat to de me ? Chascun matin, li nonsens de un tal action stat clarmen avan mi reflection.

Ma quande venit li pàllid luce, e li trist oculus brilliant del yun flicca inprofundat se in mis in mut petida, un inexpressibil tristess captet anc me. Yes, yo ne va negar it : yo esset inamorat, follmen inamorat in un morta, in un nonna, in un fantoma, un figura de somnie, vu mey nominar it quam vu vole — yo amat la passionatmen. E plu yo amat, plu it semblat me cruel resister a su desir. Yo questionat me, esque li còrpor del flicca, de quel li ombre, forsan li anima visitat me chascun nocte, ja vell esser putrit e descomposit, o ca yo vell trovar la inbalsamat e tam bell in carne, quam yo videt la omni nocte in spiritu...

Ma ante que yo posset decider me a devenir complicito de su dolci demonic tentationes, li nave arivat in Stockholm. Yo desinbarcat mi preciosi charje, tractat con grand tact del doaneros avisat, e recomensat li viage per ferrovia. In li station final yo prendet un carre. Con me viagiato al castell quelc mannes por comensar ta lor employ quam auxiliarios por li recolte.

It esset un mal e tempestosi nocte. It ne pluviat, ma un inusualmen impetuosi storm chassat li grand nubes sub li plen luna, e alternativmen noi viat tra tenebre, o esset banyat in un pàllid luce, quel evocat in me strangi reminiscenties al noctes sur li nave.

Noi hat arivat al pede del colline, quel li carre ne posset ascender. Noi surtit ex it, e quande yo explicat al mannes, que li grand chest esset destinat por li castell, ili ne hesitat prender it sur lor epoles, e ascendet lentmen, anhelante sub lor charje pesant. Un larg nube celat li luna, durant quelc témpor noi ne videt necos, ne mem li blanc castell sur li sòmmit del colline. Un squall subit frappat nos de làter. Yo audit un terribil fracass : li sarc hat glissat del epoles del altri mannes e hat cadet a terra, u it rulat a bass.

It esset un mal pelmel in li tenebre, plen de blasfemies. « Esque alqui es vulnerat ? » yo questionat. Pos un curt silentie it devenit evident, quefortunosimen li sarc ne hat cadet sur alquem, ma que solmen un mann hat dislocat su pede per un mispassu.

Li luna reaparit. Noi sidet sur li terra, e plu bass, u it hat rulat, yo videt li sarc... crevat. Noi aproximat nos, yo sentit un fort e dolci frisson, e in li pàllid luce del luna yo videt... li facie barbosi e plicat de un old mann, quel jacet calm, mort, con cludet oculus inter li blasfemant e curiosi mannes...

Del castell on adcurret por auxiliar.

Yo va indulger li letor e me pri to quo secuet. Yo ne va mencionar

in detalie li desesperat deception e furiosi paroles del old comte, ni li mordent remarques pri mi intelligentie e mi confidibilità con quel il payat ye li altri matin sin discusser li rest de mi honorarie.

Yo hat raportat precismen omni evenimentes, ma to nullmen posset excusar o solmen explicar pro quo yo hat arivat con li cadavre de un old mann vice ti del yun comtessa.

Li proxim die yo esset congediat. On ne desirat mi servicies por corecter li afere. Ma yo havet suficient moné por retornar à Paris (in triesim classe ti ci vez) u yo bentost trovat un employ.

Yo tormentat mi cerebre pri li explication del enigma. Li sol cose quel yo comprendet, esset li veritabil motive pro que li fantoma del bell nonna hat invitat me aperter li sarc : illa hat volet, que yo verifica li identità del cadavre e decovri li erra !

Li detalies del explication yo aprendet quande yo esset citat quam testimon avan un tribunale in Paris : un processu inter li comte e li monaster hat eclatat. Yo ne videt ni le, ni li abatessa ; ambi esset representat per avocates, e li processu esset fat ye exclusion del publica — to esset li unic punctu in quel li du partìs concordat.

Pos har dat mi testimonie e jurat su verità, yo anc audit li rest del afere, quel es sat simplic :

Sin conossentie de su patre, quel credet la solmen in education, li yun flicca hat prendet li sacramentes, e hat morit quam nonna. In fact, li ley del monaster prescrit que mort nonnas devet esser sepultet in li monaster. Pro to li abatessa hat refusat me li sarc — quel céterli ja esset interrât. Ma per hasard, du dies ante mi ariva, li unic mann del monaster, li old portario, hat anc morit — pro to li statu de desordin quel yo hat trovat — e su sarc yo hat videt in su cellul e furtet. Li abatessa, remarcante li furt hat esset consternat, ma illa ne audaciat vocar li policie por evitar un sensation; illa esperat que per mi furt vell esser satisfat e li ley del monaster e li desir del comte, quel — illa suposit — ne vell aperter li sarc por controlar. Li accident ye li colline hat destructet su espera. Pos mi retorn del castell, telegrammas hat esset exchangeat, e pro que li abatessa refusat exhumar li cadavre del yun flicca, li comte fat li processu...

Pri su fine yo ne posset audir necos, nam it ne esset public, e ye li tribunale on hat racontat me solmen to quo esset etablisset ye li témpor de mi testimonie. Poy yo ne posset aprender necos nov, e on comprende que yo ne volet questionar ni li comte, ni li abatessa. Ma li bell fantoma plu ne ha hantat me, e pro to yo tende a conjecter, que illa ha trovat repos, e que li tribunale ha in fine decidet in favore del old comte. Adver, qui ha repetit mi viagie, il self o un nov catolico francés, to yo ignora...

*Ilmari Federn.*

(Omni yures reservat. Traduction o reproduction sin permission interdit.)



**Li unesim ferrovias.** In 1925, Anglia festat li centenarie del nascentie del ferrovia per un retrospectiv exposition in Darlington, micri mineral cité del comtia de Durham. In ti loc un locomotive trenat ye li unesim vez in 1825 un serie de vagones avan alcun spectatores plu astonat quam convictet pri li utilità de ti nov invention. In facte li contemporanes totalmen ne monstrat li sam impression de entusiasmat surprise quam nor generation avan li comensa del aviation. In Anglia quam in Francia li construction del ferrovias trovat incredibil resistencies. Ne solmen li anglés carreros fat refusar durant alcun témpor in li Britannic Parlament li autorisation crear ti ferrovias, ma ili ancor impedit li ingenieros traciare li ferrovia sur li terren. Ti ingenieros devet laborar in nocte por ne esser lapidat. **Un activ propaganda esset ductet contra li ferrovias.** Populari caricaturas representat li joya del cavalles sin labor, li anxie del agricultores ruinat per li mal-vende del fenes e mem li fuyida del gallines ex li gallin-corte plenat de fum !!!

In Francia, sam opposition. Thiers considerat li nov invention introductet in 1828 quam solmen un « *object de luxu* ». Li scientist Arago declarat seriosmen que li transportation del soldates in tren posse solmen « *afeminar* » les. E quande on decidet forar un tunnel inter Paris e Versailles, li sam Arago opposit se energicmen, criante que li tunneles riscat dar al viagiatores, pleurites, catares, etc. Il demonstrat li perdes subeat de Francia pro li diminution del expenses de transit por li extran merces : circa du miliones de francs perdit por li comissionaries, carreros, albergistes, mercant de cavalles, etc.

Mem li defensores del ferrovias fat mult restrictiones in lor argumentes. Un de ili, Jaubert, assertet que li canales, li riveres, li rutes constitue lu necessari, li ferrovias possent esser considerat solmen quam « *un luxu, li bell luxu de un avansat civilisation* » !!

**Un rancoros inventor.** — Quande Georges Westinghouse inventet li fren per compresset aer, il scrit al president de un companie ferroviari por presentar le su invention.

Li president hastat responder : « *Yo ne have tempor a perdir con follos* », e il strax reinviat li plan del invention sin mem studiar it.

Un annu plu tard, li altri societés ferroviari comensat adopter li fren Westinghouse. Tande li poc polit president petit li inventor benevoler visitar le. Westinghouse in su torn reinviat le su unesim response con ti adjunction : *Anc ne yo !*

**Prejudicies.** — In li comensa del 19im secul, on credet que li rotes de un locomotive ne vell posser adherer sur li metallic reles. Ti teoric opinion retardat durant long tempor li creation del ferrovias. In fine, un anglés ingeniero, Sr. Blackett, decidet, in 1813, far experienties. Tis-ci demonstrat immediatmen que li rotes adheret perfectmen e li ferrovias esset creat.

## CRONICA

**Anglia.** — Li « ver historie del L. I. » publicat in *Cosmoglotta* ha fortmen interessat li Esperantistes. Un de lor cardinal revues, *The British Esperantist*, reproductet li portret de Couturat, signalat li valore de nor revelationes e recomandat a su letores leer ti numero festiv de *Cosm.* Un cordial mersi a nor confratre por su objectività.

**Belgia.** — Con retard on comunica li morte de Joseph Jamin, idistic pionero de Belgia, ye li 14 may in età de 73 annus. Il esset in comensa Esperantist, poy devenit ldist, esset membre del circulo polyglott in Bruxelles, director de « *La Belga Sonorilo* ».

**Francia.** — Pro li International Exposition pluri Wahlistes de extrania ha visitat Paris: Sr Ilmari Federn (Kobenhavn), Ing. Eng. Pigal (Wien), Prof. Berger, Major Tanner (Bern), Dr. Homolka (Wien). Regretabilmen, pro absentie, noi ne posset receptor Prof. von Sydow (Uppsala).

Sr Beer (London) esset li gast de Sr Poujet in Isles sur Suippe.

Noi es felici saver que Sr Daniel Carion, habil polyglott e practicant occidentalist ha esset nominat interpretero in li ferrovial Nord station in Paris. L. M. G.

**Hungaria.** — Li ex-idistes inter nos va audir con grand tristess li morte de prof. Josef Csatkai, in Szombathely (età solmen 44 annus). Prof. Csatkai apartenet inter ti rar homes queles ganyat omni lor conossetes per un inresistibil e sincer cordialità. Il esset li anima del yun ldistes de Hungaria. Con il ha morit un amabilissim e infatigabil pionero de nor idé. I. F.

**Italia.** — Li nrò august/octobre del revùe *Italia Filatelica* contene un articul italian introductiv pri Occidental, de su redactor sr Giuseppe Bevilacqua, quel recentmen ha devenit membre de A.P.I.S., inplu un long articul in Occidental de nor coidealist dr. E. Dal Martello, e un anuncia pri Occidental in Occidental. Noi posse cordialmen mersiar li redaction de *Italia Filatelica* pro sympatie vers nor afere, e in contra recomendar li revùe a omni occidentalistic colectionistes de post-marcas, cp. anuncia in Cgl. A. 117. I. F.

**Rumania.** — Li jurnal *Jurnalul* del 23 sept. in Craiova publica un biografic noticie pri li li anniversarie de sr de Wahl e su ovre. C.R.

**Svedia.** — *Novialiste* septembre 1937 contene un long e amicalissim articul pri sr De Wahl, su ovre e su anniversarie ex li plum del redactor sr P. Ahlberg, un bell manifestation del spiritu fraternal reyent inter nor movementes! I. F.

**Svissia.** — In Lausanne, li 10. oct. evenit li ho-annual reunion del S.A.P.O. Un detaliat raport va esser publicat in li proxim numero de *Cosmoglotta B.* Li present comité esset reelectet; to es: presidente Dr. H. Nidecker (Basel); secretario-cassero: F. Lagnel (Chapelle); membres: srs. Dr. Emery (Genève), F. Haller (Erstfeld), E. Mayor (Lausanne), A. Moeckli (Lausanne), C. Piaget (Bienne), J. Ritter (Chiasso), Major Tanner (Bern). Noi havet li plesura audir un discours pri « lingue e libertà » de dr. Nidecker, e pri propagandistic questiones de nor activissim coidealist A. Moeckli de Lausanne. Major Tanner fat un constructiv critica del labores del comité. Quelc populari canzones in different lingues arondet li programma. Un special plesura e honore esset li presentie de Dr. Hans Homolka, president del Occidental-Union, quel passat tra Lausanne ye su retorn del Exposition in Paris a Vienna, e fat un excellentissim raport pri li present situation interlinguistic. Li reunion esset un plen success, li session oficial durat 4 hores sin interruption, e esset tam interessant, que solmen in li ultim moment ante li depart del respectiv trenes, different partiprendentes devet precipitar se in li station. F. L.

*La Gazette de Lausanne* del 3. oct. publica un articul pri Occ. sub li titul « Por jargonisar li lingue francés: Occidental ». Tal mocant articules es melior por Occidental quam silentie. Li articul mentiona li anniversarie de sr De Wahl, e cita un textu in Occidental. F. L.



Li *Revue internationale de sténographie* nro de august/septembre publica li 4. ésim lecion del curs in Occ. de sr. Lagnel, inplu it reproducte ex Cosm. li articules « Evolution del Lingues » de Prof. Jespersen, « Li ultim argumentes de Esperanto » e « Li unesim inflammettes ».

I. F.


**Tchecoslovacia.** — Per initiative de sr Björkman noi successat realisar corespondentie inter sved e tchec scoleros. Li scoleros scri in lor lingue matrin, noi traducte a Occ., e in li land destinatari li procede es invers. Noi mem ricevet li oficial permission por tal corespondentie del ministerie del public instruction tchecoslovac. On ne propaga Occ. directmen; solmen plu tard noi va comensar recomendar anc Occ. al corespondentes. Anc sr. Podobsky ducte un tal corespondentie con li sved scoleros. J. S.

*Nezavislá Politika* del 2. oct. contene un long articul « Edgar de Wahl e su ovre » in ocasion del 70. esim anniversarie. Li articul, retardat pro manca de spacie, es scrit de nor coidealist Jaroslav Podobsky.

C. R.

### Thomas G. Masaryk †

Li 14 septembre 1937, in Lány proxim Praha, morit li prim president de Tchecoslovacia, sr. Thomas G. Masaryk, professor e filosof, nominat President-Liberator. Li vive de ti mann esset un epopé de activitá, de labor e de heroism. Masaryk esset un de ti mannes, queles nasce solmen un vez durant un secul. Un personalitá clarmen cristalisat, marchant firm vers su scopes. Modell de un brav e coragiosi mann e assidui defensor del veritá. Su devise « Li veritá victe ». Un hom de formate european, li conceptiones de quel transpassa li limites de su land. Alqui ha nominat Masaryk li max bon Europeo. Il esset rect. Masaryk infatigabilmen predicat li europanism, li intercomprension inter nationes, li internationalitá. Il esset un patriot in li max bell sense del parol e savet prubar su patriotism per actes e per labor, ma il abhorret li chovinism. In su ovre *Li revolution mundan* il dit: *Ne li amore al propri nation, ma li chovinism es li inamico del nationes e del humanité. Amore al propri nation ne postula odiar un altri nation... Si yo tam sovente predicat li universalitá, tande to es solmen un altri parol por ti natural desir e a ti desir correspondent eforties de omni homes al general amicitá e union. Sam, quam un individue ne posse viver sin sympathies de su circumité, anc un nation besona sympathies de altri nationes. Li historie tende vers un plu uniform organisation del tot humanité. E in un altri loc: Benque noi ama nor propri nation, noi condemna li national chovinism e noi defende li ideale del internationalitá e del interstatalitá, li efortie, que Europa e mem li tot humanité mey organisar se max unitarimen possibil... Noi ne dá al internationalitá li sense external, contranational o supernational.*



Ti constant accentuation del internationalitá e del international organisation del humanité fá Masaryk tre proxim a nor ideales e eforties.

Poc homes esset tant amat, quam Masaryk in su land. Pos su morte on videt partú spontan manifestationes de ti amore. Die e nocte, sin interruption, un enorm fluvie de homan masse, long 5 km, fluét lentmen avan li catafalc del mort president por presentar le li ultim honore. Plu quam 1 million homes assistet li funerale de Masaryk e mem mannes ne posset retener làcrimes.

Quant Masaryks deve ancora nascer por que li humanité realisa li alt ideales de amicitá e intercomprension inter nationes?

J. Podobsky.



# OCCIDENTAL LITTERATURA

Afrancat

SFr. 0.50

" 0.40

" 0.60

" 1.50

" 0.30

" 0.30

" 0.30

" 0.40

" 5.—

" 9.80

" 0.50

" 0.60

" 0.80

" 3.—

" 0.50

" 1.—

" 0.50

" 2.50

" 0.50

" 0.60

" 0.50

" 0.40

" 0.30

" 0.60

" 0.30

" 0.60

" 0.20

" 0.60

" 0.20

" 0.40

" 0.30

" 0.80

" 1.20

" 1.20

" 0.50

" 0.40

" 0.50

" 0.50

" 0.20

" 1.50

" 1.—

" 0.30

" 0.30

" 0.20

" 0.30

" 0.30

" 0.30

" 0.30

" 0.20

" 0.30

" 0.30

" 0.30

" 0.30



	Afrancat
<b>Publicaciones in Occidental</b> : AMICIS : Manuel Menendez (Ovre 6) .....	SFr. 0.60
BALMONT K. : U es mi hem ? (Ovre 2) .....	" 0.60
BERGER : Curs de Occ. in Occ. ....	" 0.50
CORDONNIER : Original stenografie de Occidental .....	" 1.—
COUDENHOVE-KALERGI : Heroe o Santo (Ovre 3). exhaustet .....	" 0.00
* CREUX : Stenografie Duployé por Occidental .....	" 1.—
" Rythmica in Occidental .....	" 0.60
* CREUX e BERGER : Li origines de Occidental .....	" 0.80
DIVERS AUTORES : Crestomatie de Occidental .....	" 1.50
FEDERN Ilmari : Lexico Occ.-Occ. (in preparation).	
De GUESNET : Manuale de conversation .....	" 0.40
GUILBERT-DEMINGER : Vocabularium Occ.-F.A.G. (por li tomes 1-6 de Ovre) ...	" 0.75
HEINI : Li via al prosperità .....	" 0.50
Ing. HOERBIGER : Quo Occ. presenta al german ingeniero .....	" 0.50
" (Sam brochura in german) .....	" 0.50
Ing. JANOTTA : Construction de un terminologic code .....	" 0.30
JANOTTA : Julius Lott, precursor de Occidental .....	" 1.20
MASARYK : Democratie e Humanità (Ovre 5) .....	" 0.45
PICAL : Essentie de Occidental (Cosmoglotta Nr. 56) .....	" 0.50
PODOBSKY J. : Li astres del Verne (original poemas) .....	" 0.80
PDE : Un descense in Maelstrom (Ovre 4) .....	" 0.60
R. ROLLAND : Europa e Asia, con vocabularium (Ovre 1) .....	" 0.60
TAKUR : Nationalism in Occidente .....	" 1.10
E. de WAHL : Radicarium directiv in 8 lingues ✓ .....	" 2.50
Ancian collectiones de Cosmoglotta. Secun li annus .....	de fr. 2.— a 15.—
Ancian collectiones de Helvetia, per annu .....	" 2.—
Editiones mimeografat.	
<b>Divers</b> : Discos de gramofon, con agulyes (Textu in Occ.) .....	" 4.50
SKÖLD-PODOBSKY : Tri canzones. Du canzones (por un voce e piano) chascun ✓	" 1.50
Prospecte in Occidental por adjunter in lettres, 10 ex. gratuit ; chascun in plu .....	" 0.02
Covertes, postcartes con propaganda-textu, 100 ex. ✓ .....	" 1.30
Marcas glutinabil, 100 ex. ....	" 0.80

Omni ti libres es recibibil de : Institute Occidental, CHAPELLE (Vd), Svissia.

Posthec-contos : Berlin 1683 36 ; Paris 1765 46 ; Svissia H. 1969 ; Bruxelles 3504.45.

**CONDITIONES DE ABONNAMENT.** Li precie de un simplic abbonament es li correspondent valore de Fr. 3.50 sviss o 12 respons-cupones. Ti quel misse Fr. 7.— sviss receive 3 exemplares (abonnament de propaganda). Li precie del abbonament in li moné del divers landes es indicat sur li ultim pagine de chascun numero. — Li abbonament a Cosm. es annual, departe del 1-esim januar e continua til li scrit revocation del abonnate. On posse inviar li abbonament al secuent adresses :

ANGLIA : Worker's Bookshop, 49 Farringdon Rd. LONDON, E. C. 1.

H. D. Akerman, 12 Ollerton Road, New Southgate LONDON, N 11.

AUSTRIA : Occidental Club Progress, Ing. A. Reichert, Hebragasse 9, WIEN IX. (pch. Wien B 29 460)

BELGIA : Institute Occidental, CHAPELLE (Vd), Svissia (Pch. Bruxelles 3504.45).

BRASIL : B. Snaider, Caixa Postal 1338, RIO-DE-JANEIRO.

ESTONIA : Kosmoglott, Eha 10, TALLINN.

FRANCIA : L.-M. de Guesnet, 83, Rue Rochechouart, Paris 9 (pch. Paris 26437).

Institute Occidental, CHAPELLE (Vaud), Svissia (Pch. Paris 1765 46).

GERMANIA : Occidental-Buro, CHAPELLE (Vd), Svissia (Pch. Berlin 1683 36).

HISPANIA : C. Varela, Macia 5, FIGUERES (Cat.).

ITALIA : Dr Ing. E. Dal Martello, GRISIGNANO di Zocco FIRENZE.

JAPAN : Kokusaigo-Kenkuysho, Daita II-784, Setagaya, TOKIO (Pch. Tokio 62 061).

PORTUGAL : R. de Beça e Melo, Av. Sac. Cabral 56, PENAFIEL.

RUMANIA : Aurel Eschenasy, Calea Bresti 27, CRAIOVA.

TCHECOSLOVAKIA : Jos. Svec, Skroupova 2, PRAHA VII (Pch. Praha, Nr. 9.438).

SVEDIA : Sved Occidental Federation, Box 171, STOCKHOLM (pch. Stockholm 70 315).

SVISSIA e altri landes : Institute Occidental, CHAPELLE (Vd), (pch. H. 1969).